



**J.U. MES**  
**MEĐUNARODNI TEATARSKI FESTIVAL**  
**SCENA MESS**  
**WWW.MESS.BA**

Na osnovu Naredbe Kriznog štaba Federalnog ministarstva zdravstva i Ministarstva zdravstva Kantona Sarajevo, od 9.9.2021. godine, direktor Ustanove donosi:

## **KRIZNI PLAN PRIPRAVNOSTI I ODGOVORA NA POJAVU KORONAVIRUSA (COVID-19)**

Ovim Kriznim planom Javna ustanova „MES – Međunarodni teatarski festival – Scena MESS“ (u daljem tekstu: MES) utvrđuju se preventivne mjere u cilju usmjeravanja radnika MES-a u okolnostima izazvanim pojavom koronavirusa (COVID-19), vodeći računa o mjerama koje putem naredbi donose nadležni krizni štabovi ministarstva zdravstva i drugi organi vlasti na teritoriji Kantona Sarajevo i Federacije BiH.

### **I TIM ZA UPRAVLJANJE KRIZNOM SITUACIJOM**

Direktor imenuje Tim za upravljanje kriznom situacijom za dalje poduzimanje neophodnih aktivnosti u vezi sa sprečavanjem širenja zaraze u prostorijama J.U. MES, donošenjem potrebnih radnih uputstava ili instrukcija.

Predstavnici tima su:

1. Nihad Kreševljaković, direktor
2. Dajana Gurda, Viši stručni saradnik za propagandu
3. Hana Bajrović, Stručni saradnik za organizaciju

Nepridržavanje mjera utvrđenih ovim Kriznim planom od strane radnika i posjetilaca J.U. MES predstavlja kršenje Zakona o zaštiti stanovništva od zaraznih bolesti („Sl. Novine FBiH“, broj: 29/05).

### **II HIGIJENSKO EPIDEMIOLOŠKE MJERE KOJE PROVODE SVI UPOSLENICI J.U. MES**

- Obavezno nošenje zaštitne maske preko usta i nosa za zaštitu respiratornog sistema u zatvorenom prostoru
- Smanjenje fizičkog kontakta uz poštivanje minimalnog razmaka od 2 metra
- Preporučuje se sve sastanke održavati on line, ili kada je to neophodno, u što većim prostorijama sa ne više od 7 osoba uz obavezno nošenje maski i poštivanje minimalnog razmaka od 2m
- Prati ruke više puta u toku radnog vremena i dezinfikovati raspoloživim sredstvom za dezinfekciju ruku
- Izbjegavati rukovanja, te potaknuti održavanje razmaka od barem 2m kod razgovora
- Redovno, a najmanje dva puta dnevno provjeravati sve radne prostorije.
- Sastanci članova Komisija, Upravnih i Nadzornih odbora održavaju se na način da se poštuju mjere fizičke distance i obavezno nošenje zaštitnih maski, a po mogućnosti on-line.
- U slučaju neophodne potrebe može se organizovati rad od kuće ukoliko takva mogućnost postoji.

Za provedbu i podsticanje na provedbu navedenih mjera zadužuju se Hana Bajrović i Dajana Gurda.

# MESS

J.U. MES  
MEĐUNARODNI TEATARSKI FESTIVAL  
SCENA MESS  
WWW.MESS.BA

### III HIGIJENSKO EPIDEMIOLOŠKE MJERE KOJE PROVODE POSJETIOCI

- Kontrolisati dozvoljeni broj posjetilaca u ustanovi u skladu sa preporukama i naredbama Kriznog štaba FBiH i Kriznog štaba Ministarstva zdravstva Kantona Sarajevo
- Svi posjetioci u svakom momentu moraju posjedovati zaštitnu masku preko usta i nosa
- Svi posjetioci moraju proći dezobarijeru na ulasku u pozorište, dezinfikovati ruke dostupnim sredstvom za dezinfekciju, te omogućiti mjerenje temperature od strane ovlaštenog radnika
- Posjetioci moraju ulaziti jedno po jedno uz poštivanje distance, te na isti način napuštati ustanovu
- Osigurati kontinuiranu ventilaciju prostora koji koriste posjetioci ustanove.

Za provedbu i podsticanje na provedbu navedenih mjera zadužuju se Hana Bajrović i Dajana Gurda.

### IV PRAĆENJE KONTAKATA I SAMOIZOLACIJA BOLESNIH

Radnici MES-a u obavezi su da vode računa o osobama sa kojima su u zadnjih 48 sati bili na manjoj fizičkoj udaljenosti od 2 metra i vremenski duže od 15 minuta („bliski kontakt“). Istovremeno su dužni da zapamte kontakt osobe ukoliko bude potrebno da te podatke saopšte zdravstvenim radnicima. Radnik koji je ostvario bliski kontakt sa zaraženom osobom obavezan je odmah po tom saznanju uraditi brzi antigenski test, te se radnim obavezama i kolektivu vratiti tek u slučaju negativnog testa.

Svi radnici MES-a obavezni su u slučaju pojave simptoma zaraze korona virusom (povišena temperatura / suhi kašalj), ostati kod kuće, te o tome obavijestiti nadležnu zdravstvenu ustanovu i poslodavca (putem e-maila). Na isti način dužnost svih radnika je postupiti i u slučaju kontakta sa osobom oboljelom od korona virusa.

### V MJERE HIGIJENE

- **Ulazak u ustanovu**

Obavezuju se svi radnici i posjetioci MES-a da prije ulaska u MES dezinfikuju obuću u dezobarijeri postavljenoj na ulazu u ustanovu, da dezinfikuju ruke sredstvom za dezinfekciju postavljenim na ulazu u MES, uz nošenje maske za lice i održavanje fizičke distance u svim smjerovima najmanje 2 metra. Za provedbu ove mjere zaduženi su lično svi radnici.

- **Higijena**

Svi radnici su dužni pridržavati se higijensko-epidemioloških mjera izdatih od nadležnih institucija koje podrazumijeva redovno pranje ruku i korištenje sredstava za ličnu dezinfekciju.

- **Provjetravanje, čišćenje i dezinfekcija prostora**

Zajedničke prostorije obavezno je provjetravati dva puta dnevno najmanje pola sata uz nadzor ulaznih vrata tamo gdje je potrebno, kako bi se spriječio ulazak osoba bez nadzora. Kvaeke na



# MESS

J.U. MES  
MEĐUNARODNI TEATARSKI FESTIVAL  
SCENA MESS  
WWW.MESS.BA

ulaznim vratima obavezno treba dezinficirati što češće.

Najmanje jednom dnevno će se dezinficirati električni prekidači u zajedničkim prostorijama, kvake u zajedničkim prostorijama i kancelarijama, rukohvati u hodnicima, telefoni u zajedničkim prostorijama i kancelarijama.

Nadležni krizni tim ustanove dužan je da preduzima sve potrebne mjere kako bi se nabavile dovoljne količine zaštitne opreme, posebno dezinficijensa na bazi hlora.

**NAPOMENA: Ovaj krizni plan mijenjat će se i dopunjavati shodno preporukama i naredbama nadležnih organa.**

Sarajevo, 20.09.2021.

Broj: 01-IX-561/21

direktor:

Nihad Kreševljaković

Dostaviti:

- Oglasna ploča
- Web stranica
- a/a